



Sermon
Kxf. Dr. Numlaajtsheb

“Yexus Cawm Tus Txivneej Uas Raug Dab”

Fifth Sunday after Pentecost
Our Savior Lutheran Church – Lansing, MI
6-23-13

Thov Txoj koob hmoov txojkev hlub thiab txojkev haumxeeb pub rau sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Luke 8:26-39 “Jesus Restores a Demon Possessed Man - *Yexus Cawm Tus Txivneej Uas Raug Dab*”. Nov yog Vajtswv txojlus. (Cross Reference – Mathais 8, Malakaus 5, Lukas 8)

Illustration “Demonic Possession”

Cia peb saib daim video demonic possession txog tus pojniam raug dab. Tus xibhwb nrog rau cov txiv neej yuavtsum tau muab tus ntxhais es tus xibhwb mam li ntiab dab ntawm tus pojniam no. Nej saib tus pojniam quaj qws ua lub suab txawv thiab nti ua nyaum heev rau xibhwb. Kuv xav kom nej ua tibzoo xyua cov lus thaum uas tus xibhwb nug tus ntxhais haistia, “*Does the devil exist – Dabntxwngnyoog puas muaj nyob?*” Tus ntxhais teb haistias, “*He exist. The Devil exist. – Nws muaj nyob. Dadntxwngnyoog muaj nyob tiag*” How can you prove it – *Koj qhov povthawj nyob qhovotwg?* Tus ntxhais teb haistias, “*Evil, war, everything. I exist. I am everywhere – kev phem, kev ua rog, txhuayam. Kuv muaj nyob. Kuv nyob rau txhua qhov chaw.*”

(Show video demonic possession) <https://www.youtube.com/watch?v=B41g0ZjS8M8>



6-23-19 The Devil and Father Amorth (2017) - Exorcism Caught on Film Scene (6 9) Movieclips - YouTube-3.23 Min.wmv

I. Zaj keebkwm ntawm Txojmoozoo hnuvno qhia txog Yexus thiab nws cov thwjtim mus ntsib tus tibneeg uas raug dab. Uantej Yexus thiab Nws cov thwjtim mus txog ntawm tus txivneej uas raug dab no, cov thwjtim nyuam qhuav raug xob nag cua hlob los ntsawj lawv lub nkauj ua rau lawv yuav laug tog tom havdej. Tiamsis Yexus txwv tej huabcua ntawd tibi. (Lukas 8:22-25) Tsis tag li ntawd xwb lawv tseem mus rau lub tebchaws Nkelaxas uas haiv tibneeg Yudais tsi muaj cai mus vim lub tebchaws ntawd yug npua. Npua yog yam tsiaj uas tsis huv thiab haiv tibneeg Yudais caiv tsis noj tej nqaij npua ntawd. Thaum lawv nqi kiag nkoj xwb, muaj tus txivneej uas raug dab thiab liab qab cia li los rau ntawm lawv thiab yuav muab lawv ntau. Cia peb saib qhov video clip thaum Yexus nqis nkoj mus txog ntawm lub tebchaww Nkelaxas thiab cawm tus txivneej raug dab. (Show Jesus heals demoniac) <https://www.youtube.com/watch?v=XVhXSkTlu9w>



6-23-19 Jesus Heals Demoniac - YouTube - 2.17.wmv

Tus txivneej no raug dab thiab lawv haiv tibneeg muab saw hlo los khi los khi tsis tau nws vim nws muaj zog heev. (Show man breaking chain)



Nws ua tus tibneeg liabqab thiab nyob tom tej qhovtsua uas coj cov tuag mus log (cemetery – *qhovchaw log cov tuag*) Nws muab cov qhovtsua no los ua nws lub

tsev thiab chaw nyob. Nws ua tus tibneeg qus thiab ua rau tibneeg ntshai nws heev. Tiamsis thaum Yexus tuaj txog ntua xwb tus txineej no cia li ua siab tu, ntshai Yexus heev thiab txog caug ntua ntawm Yexus kotaw. Nws thiaj li qws nrov nrov thiab hais rau Yexus haistias, “What do you want with me, Jesus, Son of the Most High God? I beg you, don’t torture Me! – *Yexus uas yog Vajtswv tus muaj hwjchim loj kawg nkaus tus Tub, Koj xav tau dabtsi ntawm kuv? Kuv thov koj, tsis txhob tsimtxom kuv.*” (Lukas 8:29 - NIV) **(Show pig jump off to lake)**



Tomqab ntawd Yexus hais kom dab cia li tawm ntawm nws lawm, Yexus thiaj li nug haistias - Jesus asked him, “What is your name?” “Legion,” he replied, because many demons had gone into him. And they begged Jesus repeatedly not to order them to go into the Abyss. A large herd of pigs was feeding there on the hillside. The demons begged Jesus to let them go into the pigs, and he gave them permission. When the demons came out of the man, they went into the pigs, and the herd rushed down the steep bank into the lake and was Drowned – *Yexus nug nws haistias, “Koj lub npe hu li cas?” Nws teb haistias, “Kuv lub npe hu ua*

Coob.” Rau qhov muaj ntau tus dab nyob rau hauv nws. Cov dab ntawd thov Yexus haistias, “Tsis txhob ntiab peb mus rau hauv tujtawg.” Nyob ze ntawd miaj ib pab npua coob coob tabtom nrhiav noj ntawm ib ntav toj. Cov dab ntawd thov Yexus haistias, “Cia peb mus rau hauv pab npua ntawd,” ces Yexus txawm cia lawv mus. Dab ntawm plaws hauv tus txivneej ntawd mus nkag rau hauv pab npua. Pab npua cia li khiav mus poob tsag tsua rau hauv hiavtxwv tuag tas huv tibi lawm. (Lukas 8:30-33 - NIV)

II. Lolus “Legion – Coob” yog txhais ntawm Loos cov tubrog ces nws txhais tau haistias, ibpab tubrog muaj 3000-6000 leej tubrog ua ibpab. Cov kwvtij hlub thiab movtshua, thov samhwm rau nej txhuatus paub haistias, dabntxwngnyoog yeej muaj nyob thiab muaj tseeb tiag tiag. Ntau zaug peb tsua hnov haistias, tibneeg raug dab tiamsis peb tsis tau pom kiag ntawm peb lub qhovmuag peb thiaj li pheej tsis ntseeg haistias, puas muaj dab los kav tau tibneeg tiag? Ntau zaug peb xav haistias, tus tibneeg ntawd tsua yog vwm xwb. **(Show prowling lion)**



Tiamsis qhov tseeb tiag, Dabntxwngnyoog yeej niajhnub nyob tos ntsoov ua kom peb poob mus rau txojkev txhaum kom peb tsis txhob muaj kev cia siab. Petus thiaj li sau haistias, “Be alert and of sober mind. Your enemy the devil prowls around like a roaring lion looking for someone to devour – *Nej yuavtsum ceefaj kom zoo tsis txhob nkees. Dabntxwngnyoog uas yog nej tus yeebncuab nws mus los ibyam li tus tsov ntshuav uas quaj nrhiav tom tus tsiaj noj*” (1 Petus 5:8 - NIV) Yog peb tsis ceefaj ntawm peb txojkev ntseeg kom ruaj khovkho rau ntawm Tswv Yexus Khetos,

peb yuav poob mus ua kev txhaum thiab raug mus ua dabntxwngnyoog tug vim peb cia nws kovyeej peb lawm. Peb zoo nkaus li tus tsiaj uas dabntxwngnyoog nhiav mus nrhiav los tos ntsoov tom kom tau peb mus ua nws qhev rau dab teb mus ibtxhis thiab ibtxhis. **(Show meat hanging illustration)**



Muaj ibtug Haitian xibhwb qhia txog zajlus pivtxwv txog txojkev ntseeg Vajtswv yog ntseeg tiag tiag tsis txhob cia lwmyam los cuamtshuam hauv peb lub neej. Nws haistias, “Muaj ibtug txivneej xav muag nws lub tsev ua \$2,000.00. Muaj dua ibtug txivneej xav yuav lub tsev ntawd heev li tiamsis vim nws pluag nws tsis muaj nyiaj txaus los mus them tus nqi tsev ntawd. Thaum nkawd hais nqi mus

mus los los, tus tswv tsev kam muag nws lub tsev rau tus txivneej ntawd ua “\$1,000.00” ib nrab ntawm tus nqi uas nws tiv muag tiamsis nws muaj ib lolus coglug: Tus tswv qub uas tus muaj feem ua tswv rau ibtug ntsiathawv ntawm lub qhovrooj xwb. Tau ntau lub xyoo, tus qub tswvtsev xav yuav lub tsev rov qab. Tiamsis tus tswvtsev tshiab tsis kam muag. Yog li ntawd tus qub tswvtsev thiaj li mus muab ib thooj “dog carcass - *nqaij dev lwj*” coj los ntsia rau ntawm tus ntsiathawv uas tseem yog nws ntiagtug vim nws yog tus tswv rau ntawm tus ntsiavthawv ntawd. Tsis ntev lub tsev tsw phem thiab ua rau tus tswvtsev tshiab nyob tsis taus lub tsev ntawd lawm. Tus tswvtsev tshiab thiaj li rov muab muag rov rau tus tswvtsev qub vim yog tim los ntawm tibug ntsiavthawv. Tus Haitian xibhwb thiaj li xaus lus haistias, “Yog peb tseem tseg dabntxwngnyoog ibtug ntsiathawv nyob rau hauv peb lub neej, nws yuav rov qab los ntsia yam uas tswlwj tswphem rau ntawm peb kom peb ua tsis tau Vajtsv haiv tibneeg.” (Dale A. Hays, *Leadership*, Vol X, #3 (Summer, 1989), p. 35.)



<http://www.sermonillustrations.com/a-z/d/devil.htm>

III. Cov kwvtij hlub thiab movtshua, peb ua neej nyob, peb yuavtsum cia siab rau Yexus ua peb tus Tswv. (Show obedient to slave)



Yog koj tsis ceevfaj, dabntxwngnyoog yuav los tsimtxom koj. Dabntxwngnyoog yuav los ua koj tus tswv thiab muab koj khi ua nws qhev mus ibtxhis. Tus Thwjtum Paulus sau haistias, “Don’t you know that when you offer yourselves to someone as obedient slaves, you are slaves of the one you obey—whether you are slaves to sin, which leads to death, or to obedience, which leads to righteousness? – *Nej puas paub haistias yog nej zoo siab ua luag qhev, nej yog tus ua qhev rau tus uas nej mloog nws lus – txawm yog nej yog qhev rau kev txhaum, uas coj nej mus rau kev tuag,*

losyog nej mloog (Vajtsv) lus nej thiaj li yog tibneeg ncajnnees. (Loos 6:16 - NIV) Yog koj tsis ntseeg haistias muaj dab ces yog koj digmuag lawm. Yog koj haistias tsis muaj kev phem ces yog koj haistias tsis muaj ibyam dabtsi zoo li thiab. Yog li ntawd, sawv khovkho tsis txhob pub txojkev txhaum los ntxias tau koj. Koj yuavtsum sawv khovkho rau txojkev ntseeg Tswv Yexus Khetos, dab ntxwngnyoog thiaj li los kav tsis tau koj. (Show Jesus cast out demon)



Peb cov ntseeg coob leej ntau tus haistias, nws yog tus ntseeg tiamsis nws twb tsis xyaum ua li Yexus tus yamntxwv. Yexus cawm tus txivneej uas raug dab nyob rau ntawm Lukas tsis yog tib zaug uas Yexus ntiab dab xwb. Kuv tsua muab mentsis ntawm Txojmoozoo Mathais los hais rau nej txog thaum Yexus ntiab dab. Nyob rau Mathais 4:24, Yexus cawm ntau tus muaj mob thiab raug dab. Mathais 8:16 Yexus cawm ntau tus thiab ntiab ntau tus ntsujplig dab tawn. Mathais 8:28, 33 Yexus ntiab obtug txivneej uas raug dab. Mathais 9:32 Yexus ntiab tus dab tawm ntawm tus tibneeg uas raug dab hais tsis tau lus. Mathais 12:22, Yexus ntiab tus dab uas ua rau tus tibneeg digmuag thiab hais tsis tau lus. Mathais 15:22 Yexus ntiab tus dab ua rau tus ntxhais raug dab thiab txomnyem. Mathais 17:14 Yexus cawm tus metub uas raug dab. Nyob rau Malakaus, Lukas, thiab Yauhas puavleej sau txog Yexus ntiab

dab. Yexus ntiab tej dab ntawd qhia haistias Nws muaj hwjchim kav ibpuas tsavyam.

Yexus thiaj li qhia kom peb txawj thov Vajtswv ntawm Nws zajlus thov kom peb kovyeej txojkev phem. Yexus qhia haistias, “but deliver us from evil – *tiamsis thov coj peb mus kom dhau kev phem*”. (Mathais 6:13 - NIV) *Zajlus no yog txhais li cas?* Dr. Martin Luther sau haistias, “Peb thov zajlus thov Vajtswv no, ua lus xaus, haistias peb Leejtxiv tus nyob saum ntuj ceebtsheej yuav cawm peb dim txhuayam kev phem ntawm sab nqaijtawv thiab ntsujplig, khoom ntiajteb, koob, thiab thaum kawg, thaum peb lub sijhawm kawg los txog, (Nws) yuav foom koobhmoov zaum kawg rau peb, thiab (Nws) txojkev hlub yuav coj peb tawm ntawm lub hav txomnyem mus rau Nws tus kheej saum ntuj ceebtsheej.” **(Say No)**



Tus Thwjtijm Yakapaus sau haistias, “Submit yourselves, then, to God. Resist the devil, and he will flee from you. Come near to God and he will come near to you. Wash your hands, you sinners, and purify your hearts, you double-minded. Grieve, mourn and wail. Change your laughter to mourning and your joy to gloom. Humble yourselves before the Lord, and he will lift you up. – *Nej yuavtsum mloog Vajtswv lus. Nej yuavtsum tawmtsam dabntxwngnyoog, nws thiaj li yuav khiav ntawm nej mus. Nej cia li los nyob ze Vajtswv, Vajtswv thiaj li yuav nyob ze nej. Cov tibneeg uas muaj kev txhaum, nej yuavtsum ntxuav nej tej tes*

kom huv, tu nej lub siab kom zoo nej cov uas ua ob lub siab. Nej yuavtsum nyuaj siab, quajntsuag thiab qws. Hloov nej txojkev luag los mus ua kev quajntsuag thiab nej txojkev zoo siab los mus ua kev ntxhovsiab. Nej cia li txo nej lub hwjchim tabmeeg tus Tswv thiab nws yuav tsa nej sawv.” (Yakanpaus 4:7-10 - NIV) Yexus cawm tus txivneej uas raug dab qhia rau koj thiab kuv haistias, Yexus lub hwjchim yog tus tswj dab. Dabntxwngnyoog tsis muaj hwjchim tuav tau koj lawm vim koj nyob hauv Yexus Khetos thiab koj yog tus tibneeg tshiab lawm. **(Show a new creation in Christ)**

In Christ



A New Creation

2 Corinthians 5:17

Paulus sau haistias, “Therefore, if anyone is in Christ, he is a new creation. The old has passed away; behold, the new has come. – *Yog li ntawd, yog leejtwg koom nrog Yexus Khetos, nws yog tus tibneeg tshiab. Nws lub neej qub twb dua lawm, yog li ntawd, nws tau lub neej tshiab lawm.*” (2 Kauleethaus 5:17 - ESV) Koj ntseeg Yexus, koj twb kovyeej txojkev txhaum, txojkev tuag, thiab dabntxwngnyoog lawm. Tsis txhob ntshai, cia li nyob kajsiaib lug, vim dabntxwngnyoog tsis muaj lub hwjchim kav tau koj lawm. Yexus tsis yog cawm tus txivneej raug dab xwb, Nws cawm koj, kuv thiab lub ntiajteb no lawm. Asmees.

Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees.